



Sr./a Director/a:

Co obxectivo de cumplir coas obrigas do Plan Estatístico Nacional, requírese a súa colaboración para a recollida de información relativa á biblioteca escolar do centro que vostede dirixe.

Ata este momento non existía ningún estudo estatístico, a nivel nacional, sobre a situación das bibliotecas dos centros educativos non universitarios. No marco da Comisión de Estatística da Conferencia Sectorial de Educación, considerouse oportuno incluír no Plan Estatístico Nacional do ano 2010/2011 a proposta de elaboración dunha estatística específica sobre estas bibliotecas presentada pola Comisión Técnica de Bibliotecas Escolares (dependente do Ministerio de Educación coa participación de todas as Comunidades Autónomas), e co seguinte obxectivo:

Coñecer a situación e a evolución das bibliotecas escolares e valorar o impacto das medidas que se adopten en relación a este recurso, a nivel nacional e de forma comparable entre as diversas Comunidades Autónomas.

Esta estatística vai dirixida a todos os centros, de titularidade pública ou privada, que imparten durante o curso 2010/2011 algunha das seguintes ensinanzas: Educación primaria, Educación Especial (específica), Educación Secundaria Obrigatoria, Bacharelato (réximes ordinario, adultos presencial e a distancia), Ciclos Formativos de F.P. de Grao Medio e/ou Grao Superior (réximes ordinario, adultos presencial e a distancia), Programas de Cualificación Profesional Inicial (excluídas as actuacións educativas que non supoñen a creación ou a autorización dun centro educativo) e ensinanzas de sistemas educativos estranxeiros en centros autorizados polas Administracións Educativas.

Para a recollida de información o Ministerio de Educación habilitou unha ferramenta, accesible vía web (<http://sede.educacion.gob.es>), a través da cal os centros deberán introducir os datos correspondentes á súa biblioteca. Cando a biblioteca escolar conte con varias seccións ou existan outras bibliotecas no mesmo centro, deberá achegarse toda a información de forma agregada, tendo en conta todas elas. A dirección do centro poderá delegar no profesor ou profesora responsable da biblioteca escolar a cumplimentación deste cuestionario, e en calquera caso contarase cos integrantes do equipo de biblioteca escolar para a recollida dos datos necesarios.

Agás que a cuestión o especifique doutra forma, a información solicitada referirase ao presente curso 2010/2011.

Achégase un manual metodolóxico e unhas instrucións para completar o formulario, que cómpre ler con atención antes de iniciar o proceso. De seguir estas paso a paso, non debería haber ningún problema.



Para garantir a correcta visualización do cuestionario no caso de usuarios do Internet Explorer, recoméndase empregar a versión 7.0 ou superior. No caso de que xurdan problemas de carácter técnico relacionados co acceso ao cuestionario, poden contactar directamente co departamento de atención a usuarios. Os datos de contacto indícanse na parte inferior de todas as pantallas da Sede Electrónica do Ministerio e son estes:

*En horario de luns a xoves, de 9,00 a 18,00 h. Os venres de 8,30 a 15,30 h.
Teléfono 91 550 59 57 e correo electrónico soporte.sede@educacion.es*

Se a dúbida estivese relacionada co contido do cuestionario, poden dirixirse ao teléfono da Asesoría de bibliotecas escolares desta consellería, 981 54 65 47, ou ao correo electrónico bibliotecasescolares@edu.xunta.es

Desde o 11 de outubro esta xa dispoñible o formulario, no enderezo que se indica nas instrucións, **rematando o prazo para a recollida desta información o vindeiro 15 de novembro de 2010.**

Agradecendo a súa inestimable colaboración, reciba un cordial saúdo,

Santiago de Compostela, 11 de outubro de 2010
O DIRECTOR DE CENTROS E RECURSOS HUMANOS

José Manuel Pinal Rodríguez

Pinal